

NAQQIUT

Siunnersuut 10. februar 2014-mi ullulernerqarsimasoq taarserpaa, akitsuutip angissussiata allanngortinneqarnera pissutigalugu, takuuk § 1, nr. 7.

Uunga siunnersuut: Qalerallit avataasiorluni aalisarnermi pisarineqartut akitsuutaat pillugu Inatsisartut inatsisaat nr. 11, 3. december 2012-imeersoq, allanngortinneqarsimasoq Inatsisartut inatsisaatigut nr. 9, 29. november 2013-imi allanngortinneqarnissaanut siunnersuut

Saqqummiussissut

(Aningaasaqarnermut Nunamullu Namminermet Naalackersuisoq)

Siullermeerneqarnera

Naalackersuisut sinnerlugit matumuuna qalerallit avataasiorluni aalisarnermi pisarineqartut akitsuutaat pillugu Inatsisartut inatsisaanut allannguutissatut siunnersuut avaleraasartuut akitsuutaannik atuutilersitsinissamut siunnersuutaasoq saqqummiuppara.

2014-imi aningaasanut inatsimmi kontumut pingaarnermut 24.11.26-mut (avaleraasartuut akitsuutaat) oqaasertaliunneqartumi aalajangersarneqarpoq qaammatsiutit malillugit ukiumi 2014-imi aalisarnermi avaleraasartuunut kiilumut akitsuutip 1,50 kr.-iusup akilersinneqarnissaa Naalackersuisunut piginnaatitsissutigineqarpoq.

Oqaasertaliussap aningaasanut inatsimmut ilanngunneqarneratigut, akitsuummik akiliisitsinissamut periarfissaqarnissap qulakkeerneqarnissaa siunertarineqartoq oqaaseqaatini allassimavoq, tassa akitsuut pillugu inatsisivimmik akuersissuteqartoqarnissaata tungaanut.

Una akitsuut pillugu inatsisivissatut siunnersuutaavoq.

Akitsuutip angissusaa aningaasanut inatsimmiittup attatiinnarneqarnissaa siunnersuutigineqarpoq, tassa imaappoq avaleraasartuumut kiilumut akitsuut 1,50 kr.-nik angissusilerneqassasoq.

Immikkut taaneqassaaq, akitsuutip angissusissai siusinnerusukkut siunnersuummi angissuseqarnissaannut siunnersuutigineqarmat angallatinut nunatsinneersunut nunatsinneersunillu inuttaqartuni kiilumut 0,30 kr-iussasoq, angallatinullu nunanit allaneersunut, nunanillu allaneersunik inuttaqartunik kiilumut 1,10 kr-iussasoq.

Naalackersuisulli aalajangerpaat siusinnerusukkut angissusiliineq, 2014-mut aningaasanut inatsisip aalajangiunneqarnerani aalajangersarneqarsimasoq. Tamatumunnga tunuliaqutaavoq aallaqqaammut inatsisissatut siunnersuutip saqqummiunnerata kingorna inuiaqatigiinni oqallinneq tunngavigalugu aammalu inatsisartuni inatsisissamut amerlanerussuteqarnissaq qulakkeerniarlugu.

Naggataatigut, inatsisissatut siunnersuut tassungalu oqaaseqaatit innersuussutigissavakka.

Taamatut oqaaseqarlunga inatsisissatut siunnersuut Naalackersuisut sinnerlugit Inatsisartunut suliaassanngortippara, aammalu Aningaasaqarnermut Akileraartarnermullu ataatsimiititaliamit suliarineqareerpat aappassaaniigassanngortillugu.